

**«Кредитке/бөліп төлеу арқылы сатып алуға тауар» кредит беру бағдарламасы бойынша
кепілсіз заемдар беру туралы банктік заем шартына қосылу шарты**

Банктік заем шартына қосылу шарты стандартты болып табылады және Банктік заем шартына қол қою арқылы жасалады.

Банктік заем шартына қол қою осы құжатқа қол қойған тұлға Қосылу шартының талаптарымен толық танысқанын және оларды толық көлемде қабылдайтынын білдіреді. Қосылу шарты Банктің Интернет желісіндегі: www.halykbank.kz веб-сайтында орналастырылған.

Қосылу шарты, Банктік заем шарты, Қосылу шарты шеңберінде ресімделетін басқа құжаттар бірыңғай құжат ретінде қарастырылады.

Қосылу шартында, Банктік заем шартында, Қосылу шарты шеңберінде ресімделетін басқа құжаттарда Қосылу шартының «Терминдер мен қысқартулар» 8-бабында көрсетілген терминдер мен қысқартулар пайдаланылуы мүмкін.

1-бап. Жалпы талаптары

1. Банк Заемшыға Қосылу шарты шеңберінде әрбір клиентпен жасалатын Банктік заем шартында белгіленген талаптарда Заем береді. Банктік заем шарты және Қосылу шарты бір-бірінің ажырамас бөлігі болып табылады және бұдан әрі бірлесіп Шарт деп аталады.

2. Заем мөлшерін Банк Өтініш беруші берген ақпараттың, сондай-ақ басқа ақпарат көздерінен алынған мәліметтердің, соның ішінде кредиттік бюроның кредиттік есебінің негізінде оның кредиттік скорингі нәтижелері бойынша өз бетінше белгілейді.

3. Банктік заем шартын бекіту күні мен орны, оның нөмірі, Банктің және Заемшының деректері, Заемның мақсаты, сомасы, валютасы Банктік заем шартында анықталады.

Шартты бекіту күні мен орны Банктік заем шартын бекіту күні мен орны болып табылады.

4. Заемның мерзімі Банктік заем шартында анықталады. Банктік заем шартында анықталған Заемды өтеу мерзімін ұзарту Банктік заем шартына қосымша келісім жасау жолымен Банктің уәкілетті органының шешімі негізінде жүргізілуі мүмкін.

5. Заемды пайдаланғаны үшін сыйақы мөлшерлемесінің түрі, сыйақы мөлшерлемесінің жылдық пайыздармен көрсетілген мөлшері, сыйақының Шарт бекітілетін күнгі салыстырмалы түрде есептелген нақты, жылдық, тиімді мөлшерлемесінің мөлшері Банктік заем шартында анықталады.

6. Өтеу тәсілі және өтеу тәртібі:

Заемды/Берешекті өтеу үшін ақшаны Банк жұмыс күндері қабылдайды. Егер Банктің нақты бір бөлімшесінде басқаша көрсетілмесе (Банк бөлімшелерінің жұмыс тәртібін интернет желісіндегі Банктің www.halykbank.kz веб-сайтынан білуге болады) және (немесе) Қазақстан Республикасының нормативтік құқықтық актілерінде (жұмыс күндерін ауыстыру туралы) басқаша белгіленбесе, сенбі, жексенбі және мереке күндерінен басқа, аптаның барлық күндері жұмыс күндері болып табылады.

Шарт бойынша төлемдерді Заемшы Банк бөлімшелерінде не болмаса өзіне-өзі қашықтан қызмет көрсету құрылғысының көмегімен Нұр-Сұлтан қ. уақыты бойынша сағ. 18.00 дейін іске асырады. Егер Шарт бойынша төлем Нұр-Сұлтан қ. уақыты бойынша 18:00 кейін іске асырылатын болса, мұндай төлем келесі жұмыс күні жасалған деп есептеледі.

Заемшының Банктік заем шарты бойынша Берешегінің мөлшерінен асып кететін, Шотқа ақша салған күні пайда болатын сомада Шотқа ақша салынған болса және де мұндай арту мынадай мәндерден: 10 000 теңге/30 АҚШ доллары/25 Еуродан артық болса, Банк Берешек мөлшерінен асатын соманы кез келген ағымдағы шотқа, соның ішінде Заемшының Банкте ашылған кез келген Шотқа қайтаруға құқылы. Бұл ретте Кредиттік лимиттің валютасы Заемшының өтеу жүзеге асырылатын Шотының валютасынан өзгеше болса, Банк Заемшы Берешегінің мөлшерінен асатын және осындай Шотқа аударылатын соманы айырбасталатын күні Банктің қолданыстағы тарифтеріне сәйкес Банктің айырбастау үшін комиссиясын ұстап, айырбасталатын күні Банктің ағымдағы бағамымен айырбастайды.

Басқа жағдайларда өтеу тәсілдері мен тәртібі Банктік заем шартында анықталады.

7. Өтеу әдісі Банктік заем шартында анықталады.

8. Өтеу кезектілігі Банктік заем шартында анықталады.

9. Заемды қайтару және (немесе) Сыйақы төлеу бойынша міндеттемелер бұзылған жағдайда Заемшы Банкке тұрақсыздық айыбын төлейді, оны есептеу тәртібі мен мөлшері Банктік заем шартында көрсетіледі.

10. Комиссиялар мен басқа да төлемдердің толық тізбесі, сондай-ақ Заемды берумен және оған қызмет көрсетумен байланысты өндіруге жататын олардың мөлшері Банктік заем шартында көрсетіледі.

11. Заемшы Шарт бойынша міндеттемелерін орындамаған немесе тиісті түрде орындамаған кезде Банк қабылдайтын шаралар:

1) мерзімі өткен берешек болған кезде Банк мерзімі өткен күннен бастап күнтізбелік жиырма күннен кешіктірілмейтін мерзімде Заемшыға Шарт бойынша міндеттемені орындау бойынша мерзімін өткізіп алудың туындағаны және хабарламада көрсетілген күнге мерзімі өткен берешектің мөлшерін көрсете отырып, Шарт бойынша төлемдер енгізу қажеттілігі; Шарт бойынша Заемшының Банкке жүгіну құқығы және Заемшының Шарт бойынша өз міндеттемелерін орындамау салдары туралы хабарлама жібереді;

2) Заемшы Қосылу шартының осы тармағының 1) тармақшасында көзделген хабарламада көрсетілген мерзімде берешекті өтеу жөніндегі міндеттемелерді орындамаған жағдайда, Банк:

Заемшының шоттары бойынша шығыс операцияларын уақытша тоқтатуға;

Заемшының банктік шоттарындағы ақшаны даусыз (акцептсіз) тәртіпте өндіріп алуға құқылы.

3) Заемшы Қосылу шартының осы тармағының 1) тармақшасында көзделген хабарламада көрсетілген мерзімде берешекті өтеу жөніндегі міндеттемелерді орындамаған, сондай-ақ Қосылу шартының 3-бабы 1-тармағының 1.8- тармақшасында көзделген құқықтарды Заемшы Шарт бойынша іске асырмаған немесе Заемшы мен Банк арасында Шарттың талаптарын өзгерту бойынша келісім болмаған жағдайда, Банк Қосылу шартының осы тармағының 2) тармақшасында көрсетілген шаралардан басқа, Қазақстан Республикасының заңнамасында немесе Шартта көзделген кез келген өзге де шараларды қолдануға құқылы.

2-бап. Өзге талаптары

1. Заемды, оның ішінде Жабдықтарды пайдалана отырып беруді Банк Заем сомасын Серіктестің шотына аудару арқылы жүзеге асырады. Жабдықты пайдалана отырып Заем беру Заемшыда қолданыстағы төлем картасы болған жағдайда мүмкін болады.

2. Өтеу кестесі мен жадынаманы ұсыну тәртібі, Шарт талаптары өзгерген жағдайда Өтеу кестесі мен негізгі парақты ұсыну тәртібі:

1) жадынама мен Өтеу кестесі Заемшыға банктік заем шарты жасалған кезде беріледі;

2) Заемшының ақшалай міндеттемелері сомасының (мөлшерінің) және (немесе) оларды төлеу мерзімінің өзгеруіне әкелетін Заем талаптары өзгерген жағдайда, Банк Заемды өтеудің жаңа кестесін жасап, Заемшыға береді;

3) Заемшының ақшалай міндеттемелері сомасының (мөлшерінің) ұлғаюына, Заем мерзімінің ұзаруына, Сыйақы мөлшерлемесінің артуына, сондай-ақ Заем валютасының өзгеруіне әкелетін Заем талаптары өзгерген жағдайда, Банк жаңа талаптарды ескере отырып, жаңа негізгі парақ жасап, Заемшыға береді.

Жадынама, Өтеу кестесі және негізгі парақ Заемшыға homebank.kz қаржы порталында/Банк Серіктесінің интернет-ресурсында ұсынылады.

3. Тараптардың Шарт бойынша барлық міндеттемелері тиісті жұмыс күндерінде орындалуы тиіс. Егер міндеттемені орындау мерзімінің аяқталуы жұмыс істемейтін күнге сәйкес келсе, онда міндеттемені орындау мерзімінің аяқталу күні одан кейінгі ең жақын жұмыс күні деп есептеледі.

4. Заемды беру күні ақшаның Шотқа/Серіктес шотына түскен күні болып табылады, ал Заемды қайтару күні Заемшының Банк алдындағы Шарт бойынша Берешегін өтеу күні болады.

Заемды беру күні мен оны қайтару күні бір күн ретінде қабылданады. Жыл үш жүз алпыс күнге, ал ай отыз күнге тең деп есептеледі.

Заемды пайдаланғаны үшін Сыйақыны есептеу Негізгі борыштың қалдығы сомасына жүргізіледі.

5. Егер Заемды қайтару күні және (немесе) ол бойынша Сыйақыны төлеу күні мерекелік немесе демалыс күніне сәйкес келсе, онда Заемды қайтару және (немесе) Сыйақыны төлеу тиісті мерекелік немесе демалыс күнінен кейінгі ең жақын жұмыс күнінде жүзеге асырылады.

6. Шотты қолма-қол және (немесе) қолма-қол ақшасыз тәсілмен толтыру кез келген күні жүргізілуі мүмкін. Егер Шарт бойынша Берешекті өтеу мақсатында Шот мерекелік немесе демалыс күні толтырылса, мұндай Берешекті өтеу одан кейінгі жұмыс күнінде тұрақсыздық айыбын алмай жүзеге асырылады. Бұл ретте, Заемды пайдаланғаны үшін Сыйақы Шарт бойынша Берешекті өтеу олардан кейінгі жұмыс күні жүргізілетін мереке және (немесе) демалыс күндерін қоса алғанда, Берешек нақты өтелген күнге дейін есептелуді жалғастырады және осындай жұмыс күні төленуге жатады.

7. Берешекті өтеуді Заемшы Өтеу кестесіне сәйкес Ай сайынғы төлемді енгізу арқылы жүзеге асырады.

8. Заемшының homebank қаржы порталындағы жеке кабинетінде/Серіктестің интернет-ресурсында электрондық цифрлық қолтаңбасын, электрондық хабарламалар мен құжаттар алмасуды пайдалана отырып жасалған мәмілелер, Қазақстан Республикасы Азаматтық кодексінің 152-бабына сәйкес Тараптардың келісімі бойынша жазбаша нысанда жасалған мәмілелерге теңестіріледі.

9. Банк Серіктесінен Жабдықты пайдалана отырып сатып алынған тауарды жою/қайтару жағдайында, Банк Серіктесі Жабдықты қолдана отырып «сатып алуды жою/қайтару» операциясын орындайды. Банк пен Заемшы арасында жасалған Кредиттік шарт сатып алуды жойған/қайтарған кезде «Заемнан бас тарту» мәртебесіне ауысады.

Сатып алуды жою/қайтару Банк пен Заемшы арасында кредиттік шарт жасалған күннен бастап күнтізбелік 14 күн ішінде жүзеге асырылады.

3-бап. Тараптардың құқықтары мен міндеттері

1. Заемшы:

1.1. Шарт жасалған күннен бастап күнтізбелік жиырма күннің ішінде Банк Заем ұсынған күннен бастап есептелген Сыйақыны, тұрақсыздық айыбын және айыппұл санкцияларының өзге түрлерін төлемей Заемның бүкіл сомасын толық қайтаруға;

1.2. егер Негізгі борышты және (немесе) Сыйақыны өтеу күні демалыс немесе мереке күніне сәйкес келсе, Негізгі борышты және (немесе) Сыйақыны төлеуді одан кейінгі келесі жұмыс күнінде тұрақсыздық айыбы мен айыппұл санкцияларының өзге түрлерін төлемей жүзеге асыруға;

1.3. өтініш бойынша айына бір реттен асырмай, үш жұмыс күнінен кешіктірмей, Шарт бойынша Берешекті өтеу есебіне келіп түсетін ақшаның бөлінуі (Негізгі борышқа, Сыйақыға, комиссияларға, тұрақсыздық айыбына және айыппұл санкцияларының өзге түрлеріне, сондай-ақ төленуі тиіс басқа да сомаларға) туралы жазбаша нысандағы ақпаратты тегін алуға;

1.4. Банкке Шарт бойынша берілген ақшаны ішінара немесе толық мерзімінен бұрын қайтару туралы өтініш бойынша үш жұмыс күнінен кешіктірмей, қайтарылуы тиіс соманың мөлшері туралы жазбаша нысандағы мәліметтерді Негізгі борышқа, Сыйақыға, комиссияларға, тұрақсыздық айыбына және айыппұл санкцияларының өзге түрлеріне, сондай-ақ төленуі тиіс басқа да сомаларға бөлінген күйде тегін алуға;

1.5. бір жылға дейінгі мерзімге берілген Заемды алу күнінен бастап алты ай өткеннен кейін, бір жылдан асатын мерзімге берілген Заемды алу күнінен бастап бір жыл өткеннен кейін, тұрақсыздық айыбын немесе айыппұл санкцияларының өзге түрлерін төлемей, Негізгі борышты ішінара немесе толық мерзімінен бұрын өтеуге;

1.6. Шарт талаптарының Заемшы үшін жақсару жағына қарай өзгергені туралы хабарламаны алған күннен бастап күнтізбелік он төрт күннің ішінде Шартта көзделген тәртіппен Банк ұсынған жақсартатын талаптардан бас тартуға;

1.7. алынып жатқан қызметтер бойынша даулы жағдайлар пайда болғанда, Банкке жазбаша өтініш жасауға;

1.8. мерзімін кешіктіру басталған күннен бастап күнтізбелік отыз күннің ішінде Банкке барып, Шарт бойынша міндеттемені орындау мерзімін кешіктірудің басталу себептері, кірістер және Шарт талаптарына өзгерістер енгізуді шарттайтын басқа да расталған жағдайлар (фактілер) туралы мәліметтерді қамтитын, оның ішінде:

- Шарт бойынша Сыйақы мөлшерлемесін төмендету жағына қарай өзгертуге;
- Заем шетел валютасында берілген жағдайда, Заем бойынша Негізгі борыш қалдығы сомасының валютасын өзгертуге;
- Негізгі борыш және (немесе) Сыйақы бойынша төлемнің мерзімін ұзартуға немесе бөліп төлеуге;
- Берешекті өтеу әдісін немесе Негізгі борышты басымдылық тәртіпте өтеуді қоса, Берешекті өтеу кезектілігін өзгертуге;

- Заем мерзімін өзгертуге;
- мерзімі кешіктірілген Негізгі борышты және (немесе) Сыйақыны кешіру, тұрақсыздық айбыны (айыппұлды, өсімпұлды), комиссиялар мен Заемға қызмет көрсетумен байланысты өзге төлемдерді болдырмауға;
- тұрақсыздық айыбын (айыппұлды, өсімпұлды) азайту жағына қарай өзгертуге немесе толығымен болдырмауға;
- Заемға қызмет көрсетуге байланысты қызметтер үшін комиссиялар мен басқа да төлемдерді азайту жағына қарай өзгертуге немесе толығымен болдырмауға байланысты жазбаша нысанда өтініш ұсынуға;

1.9. Заем сомасын кез келген уақытта кемінде үш айлық төлемді құрайтын мөлшерде ішінара өтеуге **құқылы**.

2. Банк құқылы:

2.1. Қазақстан Республикасының «Қазақстан Республикасындағы банктер және банк қызметі туралы» заңының (бұдан әрі – Банктер туралы заң) 34-бабы 3-тармағында көзделген, сондай-ақ Шартта белгіленген жағдайларда Шарт талаптарын оларды Заемшы үшін жақсарту жағына қарай біржақты тәртіпте өзгертуге;

2.2. Заемшыдан Қазақстан Республикасының заңнамасында және Шартта белгіленген тәртіпте:

1) Заемшы өзінің қаржылық ахуалы туралы шынайы емес ақпарат ұсынса, оның ішінде қатысу үлестерінің меншіктенушісі Заемшы болатын заңды тұлғаның Банк алдында мерзімі кешіктірілген берешегі болған жағдайда;

2) Заемшының Заемнің кезекті бөлігін қайтару және (немесе) сыйақы төлеу мерзімін күнтізбелік күндермен қырық күннен артық бұзуы;

3) Заемшының Заемді мақсатсыз пайдалануы, бұл ретте нысаналы мақсатына сәйкес пайдаланылмаған Заем сомасының 10% (он пайызы) мөлшерінде айыппұл қолданылады;

4) Заемшының талап қою бағасы Негізгі борыштың қалдығына сәйкес келетін сот процесіне жауапкер ретінде қатысуы;

5) Заемшының банктік шоттарындағы ақшаны қоса алғанда, Заемшының мүлкінен өндіріп алынған немесе тыйым салынған жағдайда Заемшының Шарт бойынша кез келген өзге де Берешегін өтей отырып, Заемды мерзімінен бұрын қайтаруды және сыйақы төлеуді талап етуге құқылы.

2.3. Қазақстан Республикасының қолданыстағы заңнамасына және (немесе) үкіметаралық келісімдерге, және (немесе) Банктің ішкі құжаттарына сәйкес талап етілген қажетті ақпаратты және құжаттарды сұратуға және Банк көрсеткен мерзімде алуға құқылы, бұл ретте Заемшы мұндай ақпараттың және құжаттардың шынайылығы үшін жауап береді;

2.4. тиісті тексеру бойынша Қазақстан Республикасының заңнамасында және Банктің ішкі құжаттарында көзделген шараларды қабылдау мүмкін емес болған жағдайда, сондай-ақ Заемшы іскерлік қарым-қатынастарды заңсыз жолмен алынған кірістерді заңдастыру (жылыстату) немесе терроризмді қаржыландыру мақсатында қолданатыны туралы күдіктер болған жағдайда, Заемшымен іскерлік қарым-қатынас орнатудан бас тартуға;

2.5. Заемшыны сәйкестендіру үшін қажетті мәліметтер мен құжаттарды, сондай-ақ салық резиденттігі, қызмет түрі туралы мәліметтерді ұсынуды Заемшыдан талап етуге;

2.6. мұндай операциялар заңсыз жолмен алынған кірістерді заңдастыру (жылыстату) немесе терроризмді қаржыландыру мақсатында қолданатыны туралы күдіктер пайда болған жағдайда, сондай-ақ Банк сұратан құжаттарды ұсынбаған және (немесе) ұсынудан бас тартқан жағдайда, Карт-шот бойынша операцияларды орындаудан бас тартуға немесе тоқтатуға;

2.7. Шарттан бір жақты бас тарту арқылы Заемшымен іскерлік қарым-қатынастарды:

1) операцияларды зерттеу барысында Заемшы іскерлік қарым-қатынастарды заңсыз жолмен алынған кірістерді заңдастыру (жылыстату) немесе терроризмді қаржыландыру мақсатында қолданатыны туралы күдіктер пайда болған жағдайда;

2) банктік Шот бойынша операцияларды жүргізуден бірнеше рет бас тартқан немесе Заемшының кез келген банктік шоттары бойынша барлық операцияларды тоқтатқан жағдайда;

3) Заемшыға қатысты кез келген елдің (мысалы, OFAC) немесе халықаралық ұйымның (FATF және БҰҰ қоса, бірақ шектелмей) заң құзыретіне сәйкес салынған санкциялардың болған жағдайда;

4) Банкте Заемшының операциялары халықаралық экономикалық санкцияларының әрекетіне түсетіні туралы немесе халықаралық экономикалық санкциялардан жалтаруға бағытталғаны туралы болжамдауға негіздер болған жағдайда;

5) Заемшы Қосылу шартының осы бабының 3-тармағы 3.9, 3.16-тармақшаларында айқындалған талаптарды орындамаған жағдайда;

6) заңсыз жолмен алынған кірістерді заңдастыруға (жылыстатуға) немесе терроризмді қаржыландыруға қарсы іс-қимыл туралы қолданыстағы заңнаманың және (немесе) Банктің ішкі құжаттарының талаптарында көзделген жағдайларда тоқтатуға;

2.8. Заемшыдан Шарт бойынша міндеттемелердің орындалуын талап етуге;

2.9. Заемшының Заемды қайтару және Сыйақыны төлеу міндеттемелерін орындау мақсатында Шоттан, сондай-ақ Заемшының Банкте, өзге банктерде және Қазақстан Республикасының аумағында және одан тыс жерде банктік операциялардың жекелеген түрлерін жүзеге асыратын ұйымдарды ашылған кез келген басқа банктік шоттарынан ақшаны төлем ордерін және (немесе) өзге төлем құжаттарын қолдана отырып, тікелей дебеттеу арқылы ақшаны даусыз (акцептісіз) тәртіпте алып алуға құқылы.

Ақшаны Заем валютасынан басқа валютада алып алған жағдайда, егер Банк өзге бағамды белгілемесе, ақшаны Банктің айырбастау күніндегі бағамы бойынша Заемшының акцептісіз (келісімінсіз) айырбастауға;

2.10. Қазақстан Республикасының заңнамасына сәйкес Заемшының қосымша келісімінсіз Банктер туралы заңда көрсетілген үшінші тұлғаларға, оның ішінде коллекторлық агенттіктерге Шарт бойынша Заемшыға кез келген құқықтарды (талаптарды) беруді жүзеге асыруға құқылы.

Банк Шарт бойынша үшінші тұлғаға құқықтарды (талаптарды) берген кезде, Банк пен Заемшының өзара қатынастарына Қазақстан Республикасының заңнамасында белгіленген талаптар мен шектеулер Заемшының құқық (талап қою) берілген үшінші тұлғамен құқықтық қатынастарына қолданылады;

2.11. егер Заемшы Банктік заем шарты бойынша міндеттемелерді орындаудың мерзімінің өтуіне жол берген кезде, Заемшының Берешегін оларға сотқа дейінгі өндіріп алу және реттеуге беру үшін, сондай-ақ сотта және атқарушылық іс жүргізуде Банктің мүдделерін білдіру үшін коллекторлық агенттіктерді тартуға;

2.12. Заемшы туралы мәліметтерді және Банктік заем шартының талаптары жөнінде, Тараптардың өз міндеттемелерін орындауына қатысты ақпаратты, талаптарды, сондай-ақ Қазақстан Республикасының заңнамасымен қорғалатын банктік және өзге де құпияны құрайтын өзге де ақпаратты, оның ішінде Дербес деректерді кез келген үшінші тұлғаларға (Банк келісім бекіткен коллекторлық агенттіктерді қоса алғанда) беруге;

2.13. Берешекті:

Заемшы:

1) Банкке өзекті, сенімді және тиісті ресімделген Заемшының және басқа да Дербес деректер субъектілерінің Дербес деректер бойынша келісімдерін беру және (немесе) беруді қамтамасыз ету жөніндегі міндеттемелерді,

2) Банкке ұсынылған Келісімдердің кез келгенін кері қайтару жағдайларының алдын алу бойынша, Банкке ұсынылған Келісімдердің кез келгенін жарамсыз деп тану, олардың шынайылығына әлдебіреулермен таласу, Дербес деректер Субъектілерінің Банкке ұсынған Дербес Субъектілер деректерінің жойылуы, бұғатталуы және дара биліктен айырылуы жөнінде талаптарды ұсынуына шаралар қолдану бойынша міндеттемелерді бұзған жағдайларда,

сондай-ақ:

1) Заемшының Банкке Келісімдер және (немесе) Дербес деректер Субъектілерінің дербес деректерін беру және (немесе) беруді қамтамасыз етумен байланысты Шарт бойынша міндеттемелерді бұзғаны салдарынан Дербес деректер туралы Қазақстан Республикасының заңнамасын бұзғаны үшін Банкке шаралар қолдану;

2) осындай шараларды қолдану нәтижесінде оларға келтірілген шығыстар мен шығындарды Банкке өтеу бойынша міндеттемелерді Заемшының бұзуы жағдайларда толық көлемде өндіруге.

2.14. Заемшыда қолданыстағы төлем картасы болмаған жағдайда, Жабдықты пайдалану арқылы Заемшыға Заем беруден бас тартуға құқылы.

3. Заемшы:

3.1. Заемшының ақпараттарды/ оқиғалардың басталғанын алған күннен бастап 5 (бес) жұмыс күнінен кешіктірмей Банкке:

1) Заемшының кез келген банктердегі (банк операцияларының жекелеген түрлерін жүзеге асыратын ұйымдарда және басқа да қаржы ұйымдарында) мүлкіне және (немесе) банктік шоттарына тыйым салу туралы;

2) Шарттың шынайылығын әлдебіреулермен таласу жөнінде;

3) өзінің пошта деректемелерінің, тұрғылықты тұратын жерінің мекенжайының, тіркелген мекенжайының (тіркелген орны), электрондық пошта мекенжайының (e-mail), Сенімді нөмірінің, басқа ұялы телефон нөмірлерінің, отбасы құрамының, жұмыс орнының (жұмыс берушіні ауыстыру), Заемшының тегі, аты, әкесінің атының (болған жағдайда) өзгеруі жөнінде;

4) Шарт бойынша міндеттемелерді Заемшының тиісінше орындауына теріс ықпал етуі мүмкін басқа жағдайлар туралы хабарлауға;

3.2. тарифтерге сәйкес Банк қызметтерін төлеуге;

3.3. Банктің алдын ала жазбаша келісімінсіз үшінші тұлғалардың міндеттемелері бойынша кепілгер (кепіл болушы) ретінде әрекет етпеуге, сондай-ақ үшінші тұлғалардың алдында Заемшының міндеттемелерін ұлғайтуға әкеп соқтыратын кез келген өзге және (немесе) Шарт бойынша Заемшының міндеттемелерін тиісті түрде орындауға кедергі келтіруі мүмкін өзге түрде мәмілелерді жасамауға;

3.4. Негізгі борышты өтеу бойынша Банк ұсынған кейінге қалдыру мерзімінің аяқталуына байланысты Заемды мерзімінен бұрын өтеген жағдайда, Негізгі борыш пен кейінге қалдырылған кезеңде есептелген, бірақ мерзімінен бұрын өтеген сәтте төленбеген Сыйақыны төлеуге;

3.5. Шарт бойынша Заемшының міндеттемелерін орындауға кедергі келтіретін жағдайлар басталған кезде, оларды бұзу қаупі туралы Банкке дереу хабарлауға;

3.6. Банктің талап етуі бойынша, Шартта көзделген және Банк белгілеген мерзімде Заемды мерзімінен бұрын қайтаруды, тиісті Сыйақыны, комиссияларды (болған жағдайда) және тұрақсыздық айыбын, сондай-ақ Заемшы Берешегінің кез келген өзге де сомаларын төлеуге;

3.7. Қазақстан Республикасында және оның аумағынан тыс жерлерде (мұндай шоттың нөмірін және банктің атауын хабарлай отырып) банктерде (банк операцияларының жекелеген түрлерін жүзеге асыратын ұйымдарда және өзге де кредиттік ұйымдарда) Заемшының банктік шоттар ашқаны туралы Банкке дереу хабарлауға;

3.8. Банктен талап етуді алған күннен бастап 5 (бес) жұмыс күні ішінде соңғысына Шарт бойынша Заемшының міндеттемелерін бұзумен байланысты Банкке төленуі тиіс, тиісті құжаттармен расталған шығыстар мен шығындар сомасын тұрақсыздық айыбы сомасынан асатын сомада толық көлемде өтеуге;

3.9. Банктің талап етуі бойынша, егер мұндай табысты Заемшы мәлімдеген болса, Заемның өтеу көзі болып табылатын жалақыны және/немесе өзге де кірістерді көрсететін және растайтын құжаттарды беру, сондай-ақ Банк қызметкерінің бизнес / жұмыс орнына кіруін қамтамасыз етуге;

3.10. өзінің қаржылық жағдайы және (немесе) Шарт бойынша міндеттемелерін уақтылы және толық көлемде орындау мүмкіндігіне кері әсерін тигізуі мүмкін өзге де мәліметтер туралы ақпаратты Банкке ашу;

3.11. егер Банктік заем шартын бекіткеннен кейін Банк Заемшының: Банкпен ерекше қатынастармен және (немесе) Банктің Заемшылар тобымен байланысы, Банкпен ерекше қатынастары және (немесе) Банктің Заемшылар тобымен байланысы жоқ бір Заемшыға есептелетін тәуекел мөлшері, Банкпен ерекше қатынастармен байланысы бар бір Заемшыға есептелетін тәуекел мөлшері туралы ақпарат пайда болса, онда Банк белгілеген мерзімде Банктің Заемшы жағдайын «тұрақты»-дан төмен жіктемеу үшін қажетті әрекеттерді жасау (уәкілетті органның нормативтік құқықтық актілеріне сәйкес);

3.12. егер Қосылу шартының осы тармағының 3.11-тармақшасында көзделген талаптарды бұзу Банкке айыппұлдар салуға әкеп соқтырса, Банктің талап етуі бойынша өтеу туралы Банктің талап етуімен хабарламаны алған күннен бастап бес жұмыс күні ішінде айыппұлдардың сомасын өтеуге;

3.13. Банктің бастапқы жазбаша талап етуі бойынша өзекті, сенімді және Заемшының және Банктің өзге көрсеткен дербес деректер Субъектілерінің тиісті түрде ресімделген Келісімін Банкке беруге және беруді қамтамасыз етуге;

3.14. мына:

1) кез келген Банкке ұсынылған Келісімді кері қайтару;

2) олардың шынайылығына әлдебіреулермен таласу;

3) кез келген Банкке ұсынылған Келісімді жарамсыз деп тану;

4) Дербес деректер Субъектілерінің Банкке ұсынған Дербес Субъектілер деректерінің жойылуы, бұғатталуы және дара биліктен айырылуы туралы талаптарды беруі;

5) Банкке Келісімдер және (немесе) Дербес деректер Субъектілерінің дербес деректерін беру және (немесе) беруді қамтамасыз етумен байланысты Заемшының міндеттемелерді бұзғаны салдарынан Дербес деректер туралы Қазақстан Республикасының заңнамасын бұзғаны үшін Банкке шаралар қолдану жағдайларды алдын алу бойынша шаралар қолдануға;

3.15. Банкке Келісімдер және (немесе) Дербес деректер Субъектілерінің дербес деректерін беру және (немесе) беруді қамтамасыз етумен байланысты Заемшының міндеттемелерді бұзғаны салдарынан Дербес деректер туралы Қазақстан Республикасының заңнамасын бұзғаны үшін Банкке қандай да шаралар қолданған жағдайда, оның шеккен кез келген шығыстары мен шығындарын Банкке өтеуге;

3.16. Қазақстан Республикасының Қылмыстық жолмен алынған кірістерді заңдастыруға (жылыстатуға) және терроризмді қаржыландыруға қарсы іс-қимыл туралы заңнамасына және/ немесе үкіметаралық келісімдерге және (немесе) Банктің ішкі құжаттарына және рәсімдерін орындау мақсатында талап етілетін Банктің белгіленген мерзімде қажетті мәліметтер пен құжаттарды ұсынуға;

3.17. әрбір күнтізбелік айдың бірінші күні homebank.kz қаржы порталындағы жеке кабинетте немесе үзінді көшірме алу үшін Банкке өтініш білдіру арқылы Заем бойынша Берешектің жай-күйі туралы ақпаратты өз бетінше алуға;

3.18. Қазақстан Республикасының заңнамасына және Шартқа сәйкес, Заемды алған күннен, сондай-ақ Заемды ішінара мерзімінен бұрын өтеген күннен және (немесе) Заем бойынша Сыйақы мөлшерлемесі өзгерген күннен бастап 3 (үш) жұмыс күні ішінде homebank.kz қаржы порталындағы жеке кабинетте электрондық цифрлық қолтаңбаны пайдалана отырып, Банк ұсынған, соған сәйкес Заемды өтеу және Заем бойынша Сыйақы төлеу жүзеге асырылатын Өтеу кестесіне қол қоюға **міндеттенеді**.

4. Банк:

4.1. Заемды қайтару үшін тұрақсыздық айыбын немесе айыппұлдың өзге түрлерін ұстамай, Заемды берген күннен бастап есептелген Сыйақыны ұстай отырып, Заемшыдан Шарт бекітілген күннен бастап күнтізбелік он төрт күн ішінде Заемды қабылдауға;

4.2. Заемшының өтініші бойынша ақысыз, айына бір реттен көп емес, үш жұмыс күнінен аспайтын мерзімде Шарт бойынша Берешекті өтеуге келіп түскен ақша бөлінуі (Негізгі борышқа, Сыйақы, комиссиялар, тұрақсыздық айыптары және айыппұл санкцияларының өзге түрлеріне, сондай-ақ басқа төленуі тиіс сомалар) туралы ақпаратты жазбаша түрде беруге.

Банк ақпаратты Заемшы өтініш берген күндегі жағдай бойынша ұсынады.

4.3. Заемды үш жұмыс күнінен аспайтын мерзімде Банкке мерзімінен бұрын ішінара немесе толық қайтару туралы Заемшы берген Заемшының өтініші бойынша, қайтаруға жататын соманы бөліп көрсете отырып, Негізгі борыш, Сыйақы, комиссиялар, тұрақсыздық айыптары және айыппұл санкцияларының өзге түрлері, сондай-ақ басқа сомалар мөлшерін Заемшыға хабарлау.

Банк ақпаратты Заемшы өтініш берген күндегі жағдай бойынша ұсынады;

4.4. Заемшыға Қосылу шартының 5-тармағында көзделген тәсілдермен Шарт талаптарының, оның жақсару жағына қарай өзгеруі туралы ол қолданысқа енетін болжалды күнге дейін кемінде күнтізбелік он төрт күн бұрын хабарлауға;

4.5. міндеттемені орындау мерзімін өткізіп алған жағдайда, бірақ ол басталған күннен бастап күнтізбелік жиырма күннен кешіктірмей Заемшыны Шартта көзделген тәсілмен және мерзімде:

Шарт бойынша міндеттемені орындау бойынша мерзімін өткізіп алудың туындауы және хабарламада көрсетілген күні мерзімі өткен берешектің мөлшерін көрсете отырып, Шарт бойынша төлемдер енгізу қажеттігі;

Заемшының Шарт бойынша Банкке жүгіну құқығы;

Заемшының Шарт бойынша өз міндеттемелерін орындамауының салдары туралы хабардар ету.

Хабарлама, егер ол Заемшыға Шартта көзделген келесі тәсілдердің бірімен жіберілсе, жеткізілді деп есептеледі:

Банктік заем шартында көрсетілген электрондық пошта мекенжайына;

Заемшының Банктік заем шартында көрсетілген тұрғылықты жері бойынша оның табыс етілгені туралы хабарламасы бар тапсырыс хатпен жіберілген болса, оның ішінде көрсетілген мекенжай бойынша тұратын Заемшының кәмелетке толған отбасы мүшелерінің бірі алған болса;

Заемшының хабарлама алғанын тіркеуді қамтамасыз ететін өзге де байланыс құралдарын пайдалана отырып жүргізіледі.

Хабарламаны адресатқа, алушыға берудің мүмкін еместігі туралы не оны қабылдаудан бас тартуға, сондай-ақ өзге байланыс құралын пайдалану кезінде оның қабылданғанын растамауына байланысты белгі соғылып қайтарған жағдайда хабарлама тиісті түрде жіберілген болып есептеледі;

4.6. Заемшының жазбаша өтінішін қарауға және жазбаша жауап дайындауға;

4.7. Қосылу шартының 3-бабы 1-тармағының 1.8-тармақшасында көзделген Заемшының өтінішін алған күннен кейін күнтізбелік он бес күн ішінде қарау, Шарттың талаптарына ұсынылған өзгерістерді жазбаша нысанда немесе Шартта көзделген тәсілмен қарау, Заемшыға: Шарт талаптарына ұсынылған өзгерістермен келісетіні; Шарт талаптарын өзгерту жөніндегі өз ұсыныстары; осындай бас

тарту себептерінің уәжді негіздемесін көрсете отырып, Шарт талаптарын өзгертуден бас тартатыны туралы (туралы) хабарлау;

4.8. заңнамада көзделген үшінші тұлғаларға құқықты (талапты) беру туралы шартты бекіткен кезде Заемшыға:

1) талап ету құқығын беру шартын бекіткенге дейін Қосылу шартының 5-бабында көзделген немесе Қазақстан Республикасының заңнамасына қайшы келмейтін тәсілмен үшінші тұлғаға құқықтардың (талаптардың) өту мүмкіндігі туралы, сондай-ақ осындай берумен байланысты Заемшының Дербес деректерін өңдеу туралы;

2) Заемды өтеу бойынша ары қарай тағайындалған төлемдер көрсетілген, талап етуді беру шарты бекітілген күннен бастап күнтізбелік отыз күн ішінде Қосылу шартының 5-бабында көзделген немесе Қазақстан Республикасының заңнамасына қайшы келмейтін тәсілмен үшінші тұлғаға құқықтың (талаптың) орнықты өтуі туралы (Шарт бойынша құқық (талап) берілген тұлғаның атауы мен орналасқан жері, берілген құқықтардың (талаптардың) толық мөлшері, сондай-ақ Негізгі борыш, Сыйақылар, комиссия, тұрақсыздық айыбы (айыппұл, өсімпұл) және басқа да төлемге жататын сомалардың мерзімі өткен және ағымдағы қалдық сомалары) хабарлауға **міндеттенеді**.

5. Банк:

5.1. Шартты бекіту күніне Заемға қызмет көрсету үшін комиссияны және басқа да төлемдерді есептеудің мөлшері мен тәртібін бір жақты тәртіппен өзгертуге;

5.2. жасалған Шарт шеңберінде бір жақты тәртіппен комиссияның жаңа түрлерін енгізуге;

5.3. Заемшыға өз өмірі мен денсаулығын сақтандыру міндеттемесін жүктеуге;

5.4. мына:

- Банкте жаңа заемдар ұсынбау құқығы пайда болатын, Шартта көзделген жағдайларды;
- Заемшының Банк алдында Шарт бойынша міндеттемелерін бұзу жағдайларын;
- Банк халықаралық қаржы есептілігі стандарттарына сәйкес келетін Банктің ішкі кредиттік саясатына сәйкес жүргізген мониторингі нәтижелері бойынша анықталған Заемшының қаржылық ахуалы нашарлаған жағдайларын;

- Қазақстан Республикасы заңнамасының Банктің Шартты тиісті түрде орындауына әсер ететін талаптары өзгеру жағдайларын қоспағанда,

жасалған Шарт шеңберінде жаңа заемдарды беруді біржақты тәртіпте тоқтата тұруға;

5.5. Заемшы үшін оларды жақсартудың төмендегі жағдайларды:

- Заемға қызмет көрсетуге байланысты көрсетілетін қызметтер үшін комиссия мен өзге де төлемдерді азаю жағына қарай өзгерту немесе толық жою;

- тұрақсыздық айыбын (айыппұл, өсімпұлды) азаю жағына қарай өзгерту немесе толық жою;

- Шарт бойынша Сыйақы мөлшерлемесін азаю жағына қарай өзгерту;

- Шарт бойынша төлемдерді кейінге қалдыру және (немесе) бөліп төлеу;

- Берешекті өтеу әдісін Берешекті ай сайын тең үлестермен төлеуді көздейтін өтеу әдісіне өзгерту;

- Шарт бойынша төлемдерді бөліп төлеу ұсынылған жағдайда Заем беру мерзімін ұлғаю жағына қарай өзгерту;

- Жағдайларын қоспағанда, Шарт талаптарын біржақты тәртіппен өзгертуге;

5.6. бір жылға дейін мерзімге берілген Заемды алған күннен бастап алты айға дейін, бір жылдан аса мерзімге берілген Заемды алған күннен бастап бір жылға дейін Негізгі борышты ішінара немесе толық мерзімінен бұрын өтеу жағдайларын қоспағанда, Заемды мерзімінен бұрын өтеу үшін тұрақсыздық айыбын немесе айыппұл санкцияларының өзге түрлерін өндіріп алуға.

5.7. егер Негізгі борыш пен Сыйақыны өтеу күні демалыс немесе мереке күндеріне сәйкес келетін болса және Сыйақылар немесе Негізгі борыш келесі жұмыс күні төленген жағдайда, тұрақсыздық айыбын және (немесе) айыппұл санкцияларының өзге түрлерін өндіріп алуға **құқығы жоқ**.

4-бап. Құпиялылық

1. Тараптар басқа Тараптан алынған және (немесе) Шартқа қатысы бар банк, коммерциялық және өзге де мәліметтердің құпиялылығын қамтамасыз етуге міндеттенеді. Осындай ақпаратты үшінші тұлғаларға беру (жариялау немесе жария ету және т.б.) Қазақстан Республикасының заңнамасында тікелей көзделген жағдайларда немесе басқа Тараптың жазбаша келісімімен немесе Заемшының Банкке берген жазбаша келісімімен қарастырылған жағдайларда, соның ішінде Келісімге қол қою арқылы мүмкін болады, сондай-ақ Қазақстан Республикасының қолданыстағы заңнамасының талаптарына сәйкес жүзеге асырылады.

2. Құпиялылық туралы ереже (банктік және басқа құпия, Дербес деректер) мынандай жағдайларда қолданылмайды:

- 1) Банкпен Шарт бойынша құқықтарды беру және қарызды аудару;
- 2) Банкпен Шарт бойынша Заемшының берешегін өндіріп алу туралы коллекторлық агенттіктерімен жасасқан шарт шегінде Заем туралы ақпаратты коллекторлық агенттіктеріне беруі;
- 3) Шарт бойынша Заемшының берешек сомаларын Банк Заемшының банктік шоттарынан тікелей алып қоюы және осыған байланысты үшінші тұлғаларға қажетті ақпарат беруі;
- 4) Банктің Заемшы туралы және Шарт жасасу туралы мәліметтерді, сондай-ақ басқа да қажетті ақпаратты кредиттік бюроларға беруі және Қазақстан Республикасының заңнамасында белгіленген тәртіппен және талаппен Заемшы туралы кредит есептерін алуы;
- 5) Қазақстан Республикасының заңнамасымен және Шартпен көзделген өзге де жағдайлар.

5-бап. Хабарламалар

1. Банктің Заемшыға хабарламалары мынандай тәсілдердің бірімен, соның ішінде Жедел байланыс құралдарын пайдалану арқылы:

- курьерлік немесе пошта қызметі;
- электронды пошта;
- факс бойынша;
- мобильді және «Телебанкинг», «SMS-банкинг» жүйелерінің көмегімен басқа телефон байланысы арқылы;
- Қосылу шартының 4-бабындағы талаптарды ескере отырып, Банк бөлімдерінде және (немесе) www.halykbank.kz электронды адресі бойынша Банктің веб-сайтында, Банктің әлеуметтік желілердегі ресми парақшасында, homebank қаржы порталында, «Интернет-банкинг» жүйесінде, банкоматтарда, терминалдарда, тиісті ақпаратты орналастыру арқылы;
- Шарт жасасу кезінде және оның қолданылу мерзімі ішінде Қосылу шартының 4-бабының шарттары ескеріле отырып, Заемшыдан алынған ақпарат негізінде Заемшы сәйкестендірілген жағдайда Банкпен белгіленген тәртіппен және талаппен Заемшының әлеуметтік желілердегі парақшаларында;
- POS-терминалдың сауда түбіртегінде хабарлама орналастыру арқылы жіберілгенде тиісті түрде ресімделді және Заемшы алды деп есептеледі.

Заемшыға тікелей берген жағдайда ғана жеткізілген болып есептелетін, жеке қолға немесе курьер қызметі арқылы табысталатын жазбаша талаптарды, курьер қызметінің Заемшы жеткізу мекенжайы болмауына байланысты жеткізу мүмкін еместігін растауын немесе Заемшының жазбаша талаптарды алудан бас тартуын қоспағанда, жазбаша талаптар жоғарыда көрсетілген тәсілдердің кез келгені арқылы, жазбаша талаптарды алғаны туралы Банк растау алусыз, жеткізілсе, жазбаша талаптар Заемшыға жеткізілген болып, ал Заемшы тиісті түрде хабардар етілген болып есептеледі.

2. Тараптар осымен Заемшының Банкке жолдаған кез келген хабарламалары Заемшы Банкке келесі тәсілдердің бірімен:

- Банктің уәкілетті қызметкеріне алғаны туралы қол қойдыру арқылы табыстаған жағдайда;
- курьерлік немесе пошта қызметі арқылы жолдаған кезде тиісті тәртіппен ресімделген және Банк алған деп есептелетініне келіседі және растайды.

3. Адресат хабарламаны алу күні болып:

- қолма-қол немесе курьерлік қызмет арқылы табысталатын хабарламалар үшін – тиісті тұлғаның тиісті белгісімен алу күні;
- Банкке ұсыныс хатпен жіберілетін хабарламалар үшін – жібергеннен кейінгі үшінші күнтізбелік күн (пошта ұйымы жіберу кезінде берген құжаттың күні бойынша);
- факс арқылы жолданған хабарламалар үшін – факс нөміріне жіберудің сәтті аяқталғаны туралы факсимильдік аппараттың үзінді көшірмесі болған жағдайда, жіберілген күні;
- электрондық пошта арқылы, мобильді байланысты пайдалана отырып және/немесе «SMS-банкинг» жүйесімен жолданған хабарламалар үшін – хабарламаны жіберген күні (жіберу туралы хабарлама болған жағдайда);
- мобильді және өзге де телефон байланысы, соның ішінде «Телебанкинг» жүйесі бойынша хабарламалар (дауыстық хабарландырулар) үшін – қоңыраудың күні мен уақыты;
- Банктің филиалдарында және/немесе веб-сайтында, Банктің әлеуметтік желілердегі ресми парақшасында, «Интернет-банкинг» жүйесіндегі homebank қаржы порталында, банкоматтарда, терминалдарда орналастырылған хабарламалар үшін – хабарламаны орналастырған күні;

– Заемшының әлеуметтік желілердегі парақшасына жолданған хабарламалар үшін – хабарламаны жіберген күні (жіберу туралы хабарлама болған жағдайда);

– POS-терминалдың сауда чегінде орналастырылған хабарламалар үшін – чекті басып шығарған күні деп есептеледі.

4. Заемшы хабарламаларды жіберу және/немесе алу мақсатында Жедел хабарлау құралдарын пайдаланумен (соның ішінде, бірақ олармен шектелмей: алаяқтық тәуекелі, жіберілген ақпаратқа рұқсатсыз қол жеткізу, сондай-ақ Заемшының хабарламаларды алмау немесе уақытылы алмау тәуекелі, Жедел байланыс құралдарының жұмысындағы іркілістерден және/немесе хабарламаларды жіберу немесе алу үшін қолданылатын жабдықтардың жұмысындағы ақаулардан туындаған, ақпаратты Заемшы немесе Банк алғанға дейін жоғалту тәуекелі) байланысты тәуекелдерді өзіне алады.

5. Банк Заемшының Қосылу шартының осы бабы 4-тармағында көзделген жағдайларда Заемшының кез келген шығынына, егер Заемшы мұндай шығынның Банктің өз міндеттемелерін орындамағаны немесе қасақана орындамағанының нәтижесінен туындағанын дәлелдесе жауапты болмайды.

6. Банк міндеттемені орындау мерзімін өткізіп алған кезде Заемшыға жіберетін хабарламаларға қатысты Қосылу шартының 3-бабы 4-тармағының 4.5-тармақшасында көрсетілген қағидалар қолданылады.

6-бап. Тараптардың келіспеушіліктері мен даулары

1. Тараптар арасындағы келіспеушіліктер мен даулар Банктің таңдауы бойынша Банктің немесе оның филиалының орналасқан жеріндегі сотта (шарттық соттылық) Қазақстан Республикасының заңнамасында көзделген тәртіппен шешіледі.

7-бап. Шарттың қорытынды ережелері

1. Қосылу шарты Банктің Интернет желісіндегі: www.halykbank.kz ресми веб-сайтында жариялануы тиіс және орналастырылған күннен бастап күшіне енеді.

2. Қосылу шартына өзгерістер мен толықтыруларды Банк өз қалауы бойынша, Қазақстан Республикасының заңнамасына қайшы келмейтін және (немесе) заңнамадағы өзгерістерге байланысты біржақты тәртіпте қабылдайды және Банктің Интернет желісіндегі: www.halykbank.kz ресми веб-сайтында жарияланған күннен бастап күшіне енеді және аталған күннен бастап бекітілген Банктік заем шарттарына қолданылады.

3. Банктік заем шартына өзгерістер және толықтырулар енгізу Тараптардың қосымша келісім бекіту жолымен жүзеге асырылады.

4. Заемшы Банктің жазбаша келісімімен Шарт бойынша Заем сомасын (толық немесе ішінара) Банкке мерзімінен бұрын қайтаруға құқылы.

8-бап. Терминдер мен қысқартулар

1. Қосылу шартында, Банктік заем шартында, сондай-ақ Қосылу шартының шеңберінде ресімделетін өзге де құжаттарда пайдаланылатын терминдер мен қысқартулар, егер мұндай құжаттардың мәтінінде егер басқа көзделмесе, мынандай мәндерге ие болады:

Банк	«Қазақстан Халық жинақ банкі» акционерлік қоғамы
Сыйақы	берілген Заем үшін төлем
Өтеу кестесі	заемды өтеу кестесі, онда заем бойынша барлық алдағы төлемдер кесте түрінде шығарылған
Шарт	Қосылу шарты, Банктік заем шарты жиынтықта
Қосылу шарты	«Кредитке/бөліп төлеу арқылы сатып алуға тауар» кредит беру бағдарламасы бойынша кепілсіз заемдар беру туралы банктік заем шартына осы Қосылу шарты
Банктік заем шарты	«Кредитке/бөліп төлеу арқылы сатып алуға тауар» кредит беру бағдарламасы бойынша кепілсіз заемдар беру туралы банктік заем шарты
Берешек	Заемды өтеу, сыйақы төлеу, комиссиялық төлем, айыппұл, Банк тартқан шығынның (залалдың) өтелуі үшін Заемшының (ағымдағы және (немесе) мерзімі кешіктірілген) барлық/кез келген орындалмаған ақшалай міндеттемелері

Заем	Банктің Заемшыға ұлттық валютада онлайн-режимде Серіктестің интернет-алаңында/homebank.kz тауарлар мен қызметтерді сатып алу мақсатында, нысаналы пайдалану, мерзімділік, ақылдылық және қайтарымдылық шарттарымен, Заем сомасын Серіктес шотына бір рет аудару арқылы ұсынатын нысаналы банктік заем
Заемшы	Қосылу шарты негізінде Заем алған және оны қайтару, Сыйақы және басқа да төлемдерді (болған жағдайда) төлеу бойынша міндеттемелерді қабылдайтын өтініш иесі
Өтініш иесі	Заем алу туралы Өтініш берген жеке тұлға
Ай сайынғы төлем	Өтеу кестесіне сәйкес Берешекті өтеуге Банктің пайдасына Заемшы міндетті төлейтін ақша сомасы
Жабдық	QR-кодты/Halyk QR-ды сканерлеу арқылы төлемдерді қабылдауға және (немесе) төлем картасымен операциялар жасауға мүмкіндік беретін құрылғы. QR-код/Halyk QR төлем идентификаторын (тауар жеткізуші – төлем бенефициары туралы қосымша деректер объектісін (банктік шоттың нөмірі, төлем сомалары туралы мәліметтер, транзакция туралы ақпаратты қамтитын қосымша деректер аймағы немесе басқа да деректер)) қамтиды.
Банктің операциялық күні	төлем қызметтері нұсқауларын қабылдау және өңдеу, сондай-ақ нұсқауларды орындауды тоқтату немесе мұндай нұсқауларды кері қайтарып алу туралы өтінімдерді жүзеге асыру уақыт кезеңі.
Негізгі борыш	толық көлемде алынған Заем сомасы
Банк серіктесі	Банкпен ынтымақтастық туралы келісім жасасқан заңды тұлға, оған сәйкес Банк заңды тұлғалардың тауарларын сатып алу үшін Кредитке/бөліп төлеу арқылы сатып алуға тауар ұсынады
Дербес деректер	электронды, қағаз және (немесе) өзге материалдық нұсқада тіркелген дербес деректердің Субъектісі негізінде белгілі бір немесе анықталуы тиіс мәліметтер
Заемды өтеу	Заем сомасын (Негізгі борыш) өтеу және Заем бойынша сыйақы төлеу, болған жағдайда басқа төлемдер
Кәсіпкер	тауарларды, жұмыстарды, қызметтерді сататын заңды тұлға/жеке кәсіпкер, оның ішінде Банк серіктесі,
Платформа	Заемшыға Банк Серіктестерінен Заем алу арқылы Тауарларды/Қызметтерді сатып алу мүмкіндігін беретін, сатушыға төлемді беру және сатып алушыға Тауарды беру кезінде делдал ретінде әрекет ететін онлайн-сервис (веб-ресурс)
Келісім	Субъектінің Дербес деректерді жинауға және өңдеуге келісімі, кредиттік бюроларға ақпарат беру және кредиттік бюродан кредиттік есеп беруге келісім
Сыйақы мөлшерлемесі	оған сәйкес Заемшы Заемды пайдаланғаны үшін Сыйақы төлейтін, Заем сомасына қатысты пайызбен айқындалатын сыйақы мөлшерлемесі
Жедел байланыс құралдары	Банк пен Заемшы арасында ақпарат алмасу құралдары: электронды пошта (e-mail), почта байланысы, «Интернет-банкинг» жүйесі, «SMS-банкинг» жүйесі, телебанкинг, телефон, факс, банкомат, POS-терминалдың сауда түбіртегі, терминал, Банк сайтында және Банктің ресми әлеуметтік желісінің парағында, «Homebank.kz» қаржы порталында хабарлама, Тараптар Банктік заем шартына қол қойған кезде Заемшыдан алынған ақпарат негізінде анықталған және Банктік заем шартының қолданылу мерзімі ішінде, Банк анықтаған тәртіпте және шарттарда пайдаланылатын Заемшының әлеуметтік желілердегі парақшасындағы хабарлама
Дербес деректер субъектісі	Дербес деректер тиесілі жеке тұлға
Шот/Карт-шот	Заемшының кез келген ағымдағы банктік шоты немесе Банктегі карталар базасында ашылған ағымдағы шоты, электрондық әмияны,

	Заем сомасы есептелген және (немесе) Заемшының мультикиоск арқылы ақша салуы немесе homebank-те жеке кабинетте homebank арқылы қолма-қол ақшасыз жолмен өтеуді жүзеге асыру кезінде көрсетуі сәтінде шот/төлем картасы туралы ақпаратты ұсыну арқылы Банк айқындайтын Банк шоты
Қашықтағы байланыс арналары	homebank.kz қаржы порталы, банкомат, төлем терминалы, Банк серіктестерінің интернет-ресурстары
homebank	Банктің қаржы порталы, онда клиент жеке кабинет аша алады және бірқатар операцияларды жүзеге асырады, өз заемын, ақша қаражатының қозғалыс тарихын және т.б. бақылай алады.
Тараптар	Банк және Заемшы жиынтықта

9-бап. Тараптардың деректемелері және қолы

Тараптардың деректемелері және қолы Банктік заем шартында көрсетіледі.